

赤水玄珠

卷二

赤水玄珠第二卷

新安生生子孫一奎著輯

暑門

明暑篇

五運六化篇曰相火之化暑主於夏夏之爲言大也與午同意炎暑乃行中有中有冒有傷有暑風乃三之氣也

內經曰因於暑汗煩則喘渴靜則多言體若燔炭汗出而散先夏至日發者爲病溫後夏至日發爲病暑暑當與汗皆出勿止

脈虛身熱得之傷暑

難經曰傷暑得之爲正邪火自病也當惡臭其病身熱而

煩心痛其脈浮大而散

潔古曰靜而得之爲中暑動而得之爲中熱中暑者陰症
中熱者陽症

東垣曰暑熱之時無病之人或避暑熱納涼於深堂大厦
得之者名曰中暑其病必頭痛惡寒身形拘急肢節疼
痛而煩心肌膚火熱無汗爲房室之陰寒所遏使周身
陽氣不得伸越多以大順散熱藥主之是也若行人農
夫於日中勞役得之者名曰中熱其病必苦頭痛發燥
熱惡熱捫之肌膚大熱必大渴引飲汗大泄無氣以動
乃爲天熱外傷肺氣蒼朮白虎湯涼劑主之

劉宗厚曰按此論中暑卽仲景所謂中暈是也 只作暑

熱分之可見有陰陽二症受病不同 夏月受病有陰
寒所遏使周身陽氣不得伸越以大順散主之者爲中
暑蓋當暑月名之猶冬月發熱爲傷寒也但中熱治例
雖云用蒼朮白虎湯而又處清暑益氣之法况大順散
一方是仲景太陽例藥然東垣施用諒不如此必有若
益氣湯證例發揮曄曄者惜乎無傳故使後人不能無
疑也詳後所論矧中暑証亦有於勞役動而得者中熱
証亦有於避暑靜而得之者大抵因人元氣虛實不同
故所受亦異爲治豈得而無變法哉

陳無擇曰暑熱喜歸心心中之使人噎悶昏不知人入肝
則眩暈頑痺入脾則昏睡不覺入肺則喘滿痿躄入腎

則消渴凡中喝者死治之切不得用冷惟宜溫養得冷則死道途中無湯卽以熱土熨臍中仍以熱溺沃之槩可見矣凡覺中暑急嚼生羌一大塊水送下如已迷悶嚼大蒜一瓣水送下如不能嚼水研灌之立醒

治暑之法清心利小便甚好若自汗甚者不可利小便宜白虎湯清解之次分表裡治之如在表頭疼惡寒雙解散加香薷及二香散香薷飲之類解之如在半表半裡泄瀉煩渴飲水吐逆者五苓散治之熱甚煩渴者益元散清之若表解裏熱甚宜半夏解毒湯下神芎丸酒蒸黃連丸等或人平素弱及老人冒暑脈微下利渴而喜溫及厥冷不省人事宜竹葉石膏湯加熱附半箇冷飲

次以來復丹五苓散治之凡夏暑証不可服諸熱燥劑致斑毒發黃小水不通悶亂而死矣

盛夏發熱有傷寒冒暑二証若熱有進退則爲冒暑一向熱不止則爲傷寒

林氏曰中暑之証面垢悶倒昏不知人冷汗自出手足微冷或吐或瀉或喘或滿其脈浮虛名曰暑風慎不可用冷水及純大寒之劑卽以蘇合香圓姜湯調灌或研蒜水灌之醒後用清暑之藥調理又有因暑氣入於心包絡而鼓激痰塞心竅卒倒不語者急宜吐出痰涎隨用導痰湯合黃連香薷飲加竹瀝姜汁

丹溪云暑乃夏月炎暑也盛熱之氣著人也有冒有傷有

中三者有輕重之分虛實之辨或腹痛水瀉者脾與大腸受之惡心者胃口有痰飲也此二者冒暑也可用黃連香薷飲清暑益氣湯蓋黃連退暑熱香薷消蓄水或身熱頭疼躁亂不寐者或身如針刺者此爲熱傷在分肉也當以解毒白虎湯加柴胡氣虛者加人參或咳嗽發寒熱盜汗出不止脈數者熱在肺經用清肺湯柴胡天水散之類急治則可遲則不救火乘金此爲中暑凡治病須要明白辨別慎勿滾同施治春秋間亦或有之切莫執一隨病處方爲妙

按傷暑與傷寒身皆發熱不可不辨明施治蓋寒傷形熱傷氣傷寒則外惡寒而脈浮緊經曰脈盛身寒

得之傷寒脈虛身熱得之傷暑傷暑則不惡寒而脈虛爲異也故從小柴胡湯渴加知母石膏或人參白虎湯或清暑益氣湯

人參白虎湯

治暑熱發渴脈虛

人參

半錢

知母

二錢

石膏

五錢

甘草

一錢

粳米

一合

水煎服

竹葉石膏湯

石膏

一兩

半夏

半錢

甘草

二錢

人參

二錢

麥門冬

五錢

竹葉

十片

每服一兩生姜三片水煎服

十味香薷飲

治伏暑身倦神昏頭重吐利

香薷 一兩

人參

陳皮

白朮

茯苓

黃芪

木瓜

厚朴

白扁豆

甘草

各五錢

每服一兩水煎服

一方無參芪陳皮加紫蘇藿香檀香各等分名消暑十

全飲

除暑渴霍亂吐瀉

益元散

治熱而煩悶小便赤澀

滑石

六兩

甘草

一兩

右爲末每服二錢或三錢冷水調下燈心湯

亦可

熱盛加辰砂

欲發汗用葱白湯調

五苓散

白朮

茯苓

猪苓

各一兩半

澤瀉

二兩半

桂

一兩

右爲末每服二三錢熱湯下

加辰砂名辰砂五苓散

縮脾飲 除暑渴止吐瀉

砂仁 草果 烏梅

肉

甘草

炙各四兩

扁豆

乾葛

各二兩

每服六錢水煎冷服

大順散 治冒暑伏熱引飲過多脾胃受濕水谷不分氣

逆霍亂嘔吐

甘草

乾姜

杏仁

去皮尖

桂

右先將甘草用白砂炒黃次入姜却下杏仁以不作聲爲度篩去砂入桂爲末每服二三錢水煎溫服

如煩躁并花水調服以沸湯點服亦得

來復丹 治伏暑泄瀉身熱脈弱

硝石

一兩同硫黃火上微炒用柳條攪結砂子不可火大 太陰玄精石 一兩研

硫黃

一兩

青皮

五靈脂

去砂土

陳皮

各二兩

右爲末好醋糊爲丸菜豆大空心米飲下二三十丸

大黃龍丸 中暑昏暈身熱惡寒頭痛或往來寒熱煩渴

吐瀉

舶上硫黃

硝石

各一兩

雄黃

滑石

白礬

各五錢

寒食麵

四兩

右爲末滴水丸如梧子大每服五丸至七丸漸加至

四十丸

劉宗厚曰此藥通利三焦分理陰陽溫胃開結治揮霍變亂神志昏憤元氣下陷者甚捷然病因實火濕熱者勿用

子和桂苓甘露飲 伏暑發渴脈虛

桂

人參

藿香

各半兩

茯苓

白朮

甘草

葛根

澤瀉

石膏

寒水石

各一兩

木香

一錢

爲末白湯調三錢

宣明桂苓甘露飲

茯苓

澤瀉

各一兩

石膏

寒水石

各二兩

滑石

四兩

白朮

桂

猪苓

各半兩

爲末溫湯調下二三錢

生脈散

人參

五味子

麥門冬、各二錢

水煎服

一方加黃芪甘草

却暑散

治冒暑伏熱頭目眩暈嘔吐瀉痢煩渴背寒面

垢

赤茯苓

甘草

生各四兩

寒食麵

生姜

各一斤

右爲末每服二錢白湯下

冷香飲子

治傷暑喝霍亂腹痛煩躁脈沉微或伏

草果仁

三兩

附子

陳皮

各一兩

甘草

五錢

每服一兩水煎入姜冷服

黃連解毒湯

方在火門

二氣丹 伏暑傷冷二氣交錯中脘痞悶或頭痛惡心並

治

硝石

硫黃 各等分

右爲末銀器內文武火炒令驚黃色再碾細用粳米

煮糊爲丸如桐子大每服四十丸新汲水下

香薷丸 大人小兒傷暑伏熱燥渴脅悶頭目昏眩胸膈

煩滿嘔噦惡心口苦舌乾肢體困倦不思飲食或發霍

亂吐利轉筋並治

香薷 去根一兩

木瓜

紫蘇葉

藿香 洗

茯苓 去心各半兩

甘草 炙

檀香

丁香 各二錢半

右爲末煉蜜和丸鷄頭子大每服一丸至二丸細嚼

溫湯下或新汲水化下

春澤湯 伏暑發熱煩渴引飲小便不利兼治傷寒陰陽

不分疑似之間最宜服此

澤瀉

三錢

猪苓

茯苓

白朮

各一錢

桂心

柴胡

各一錢

人參

麥門冬

各一錢半

渴甚太桂加五味子黃連

各二錢

香朴飲子

大人小兒伏暑吐瀉虛煩霍亂

人參

烏梅

肉

茯苓

甘草

炙

紫蘇

澤瀉

香薷

半夏麴

白扁豆

木瓜

厚朴

姜制各一錢

姜三片棗一枚水煎服

清暑六和湯 心脾不調氣不升降霍亂轉筋嘔吐泄瀉
寒熱交作痰喘咳嗽胃腕痞滿頭目昏痛肢體浮腫嗜
臥倦怠小便赤澁并傷寒陰陽不分冒暑伏熱煩悶或
成痢疾中酒煩渴畏食

砂仁

半夏

泡

杏仁

去皮尖

人參

藿香

扁豆

香薷

赤茯苓

厚朴

姜制

木瓜

各一錢

甘草

炙五分

姜五片棗一枚水煎服

消暑十全散

伏暑胃氣不和心腹滿痛

香薷

扁豆

厚朴

姜制

甘草

炙

紫蘇

白朮

茯苓

藿香

木瓜

檀香

各一錢

姜三片水煎服

黃龍丸

和劑方

治伏暑發熱嘔吐惡心

黃連

淨三十兩

好酒

五升

煮乾研爲細末麵糊丸梧子大

每服五十丸白湯下

枇杷葉散

治暑毒攻心衄血嘔血或吐瀉作渴

香薷

二錢

厚朴

姜炒一錢半

甘草

炙一錢半

麥門冬

木瓜

茅根

各一錢

枇杷葉

陳皮

丁香

各半錢

每服三五錢姜水煎服

注夏

子和曰痿之作也皆五月六月七月之時午者少陰君火之位未者濕土庚金伏火之地申者少陽相火之分故